

Ennyn diddordeb myfyrwyr a staff mewn cynaliadwyedd a llesiant cenedlaethau'r presennol a'r dyfodol

Er bod Prifysgol Bangor yn uniongyrchol gyfrifol am lawer o effeithiau ei gweithrediadau, mae'n dibynnu ar ei chymuned o fyfyrwyr a staff i gyfrannu at liniaru ei heffeithiau cyffredinol trwy eu gweithredoedd fel unigolion ac fel grŵp. Mae'r brifysgol yn annog ei myfyrwyr a'i staff i wneud newidiadau tymor hir a phellgyrhaeddol i'w hymddygiad er mwyn ei galluogi i wneud gwelliannau cynaliadwy parhaus i weithrediadau ac arferion y sefydliad, a hefyd i alluogi'r myfyrwyr a'r staff hynny i ddefnyddio eu hymddygiad newydd ym mhob rhan o'u bywydau, yn y brifysgol a thu hwnt.

Ein myfyrwyr

Mae ein myfyrwyr yn ganolog i bopeth rydym yn ei wneud ym Mangor. Rydym yn gwybod eu bod yn frwd dros gynaliadwyedd. Mae arolygon UCM ers blynnyddoedd lawer wedi adrodd y canlynol:

Dywed **89%** eu bod yn cytuno y dylai eu man astudio **“ymgorffori a hyrwyddo datblygiad cynaliadwy yn weithredol”**

Hoffai **82%** weld **“datblygiad cynaliadwy yn cael ei ymgorffori a'i hyrwyddo'n weithredol trwy bob cwrs”**

Dywed **67%** bod **“datblygiad cynaliadwy yn rhywbeth yr hoffwn ddysgu mwy amdano”**

Mae gan **Brifysgol Bangor** ac **Undeb Bangor** (Undeb y Myfyrwyr) gynaliadwyedd fel galluogwr strategol, a gall ein myfyrwyr gymryd camau cynaliadwy uniongyrchol yn unol â [Datganiad Cynaliadwyedd Undeb Bangor](#) yn ogystal â thrwy gynllun strategol y brifysgol: [Strategaeth 2030 – Byd Cynaliadwy i Genedlaethau'r Dyfodol](#) (gweler y trosolwg isod).

Ein Staff

Mae cynaliadwyedd wedi ei wreiddio ym mhob rhan o'n cynllun strategol sy'n pwysleisio ei bwysigrwydd fel egwyddor ganolog yng ngweledigaeth, gwerthoedd a galluogwyr strategol y brifysgol. Trwy weithredu yn unol â'n cynllun strategol, mae staff yn cael eu grymuso a'u galluogi i wreiddio newid ymddygiad cynaliadwy ledled y brifysgol, ymhlith y staff a'r myfyrwyr.

Cipolwg ar Strategaeth 2030 – Byd Cynaliadwy i Genedlaethau'r Dyfodol

STRATEGAETH 2030
PRIFYSGOL BANGOR

CIPOLWG AR STRATEGAETH 2030

BYD CYNALIADWY I GENEDLAETHAU'R DYFODOL

EIN CENHADAETH

Prifysgol dan awersiad ymchwil sydd wedi ei gwneiddo yng ngogledd Cymru, sy'n ymgysylltu'n fyd-eang ac yn cynnig profiadau dysgu trawsnewidiol ac yn maithrin effaith gadarnhaol ar gymdeithas yn rhanbarthol, yn genedlaethol, ac yn rhyngwladol.

EIN GWELEDIGAETH

Prifysgol fyd-eang ei chyweithiadau, sy'n manteisio ar gyfleoedd i leyddo twry ymchwil ac addysgu trawsnewidiol ac arloesol sy'n welliedig ar effaith gydag ymrwymiad i gynaliadwyedd.

EIN GWERTHOEDD

- Uchelgas
- Cymwysoldeb
- Uriondeb
- Cynaliadwyedd

YN SAIL I STRATEGAETH Y BRIFYSGOL MAE TAIR COLOFN

RHAGORIAETH YMCHWIL

- Ew da ledied y byd
- Rhugoriaeth ar radifla fawr
- Effaith drawsnewidiol
- Cydwethio a partneriaethau

ADDYSG DRAWSNEWIDIOL

- Arwyddocâd rhanbarthol a byd-eang
- Gwell gallu digidol
- Amgylchedd dysgu carlam
- Profiad rhagorol ffylmwyf
- Myfyrwyr fel partneriaid
- Cyfleoethgi carfyradau myfyrwyr

Y GYMRAEG A DIWYLLIANT CYMRU

- Ein iaith, ein gwaith
- Ein myfyrwyr, ein dyfodol
- Trawsnewid cymdeithasol, economaidd a diwyllannol
- Ein cymunedau

A THAIR THEMA DRAWSNEWIDIOL

EFFAITH ECONOMAIDD, CYMDEITHASOL A DINESIG

- Cefnogi busnes
- Sgiliau rhanbarthol
- Ysgol Ffaddysgol Googleidd Cymru
- Cymunedau cydlynol, gwydn
- Prifysgol hygyrch

YMGYSYLLTU BYD-EANG

- Profiad byd-eang
- Partneriaethau byd-eang cynaliadwy
- Bangor Fyd-eang

EIN POBL

- Iechyd a ffa
- Dymud, gweithgarech corfforol, a chwaraeon
- Sefonau proffesiynol
- Cyfrad ddioldeb, amrywiaeth a chyrhwylant
- Arwinyddiaeth
- Daeobwyo dawan

YN GEFN IDDO MAE CYNALIADWYEDD SEFYDLIADOL

- Gweithwch arfannol
- Marchnata a brand
- Ein campws
- Gwasanaethau Proffesiynol Modern
- Digidol yn gyntaf

WWW.BANGOR.AC.UK

Cynnwys myfyrwyr a staff yn y gwaith o lywodraethu, rheoli, datblygu a chyflwyno cynaliadwyedd

Cynrychiolir myfyrwyr ar y mwyafrif o bwyllgorau'r brifysgol sy'n ymdrin â pholisïau a phenderfyniadau strategol y brifysgol. Mae aelodaeth y [Grŵp Gweithredu Cynaliadwyedd](#) yn galluogi myfyrwyr a staff i oruchwylio datblygiad a monitro parhaus ein hamrywiol bolisiau, strategaethau, rheolaeth a chynlluniau gweithredu cynaliadwyedd. Anogir myfyrwyr a staff yn gryf i ddatblygu polisiau, strategaethau, cynlluniau gweithredu, projectau, cynigion ariannu a dadansoddiad cost ar y cyd â'r brifysgol a chyflwyno syniadau ar gyfer datblygu a monitro i'r Grŵp Gweithredu Cynaliadwyedd.

Bydd y brifysgol hefyd yn ymdrechu i greu ac ymgorffori rhwydwaith o bencampwyr cynaliadwyedd i hyrwyddo cynaliadwyedd ar draws y colegau a'r gwasanaethau proffesiynol a bydd yn gweithio gydag Undeb y Myfyrwyr i hyrwyddo cynaliadwyedd ymhellach i gymuned y myfyrwyr.

Codi ymwybyddiaeth ac annog cyfranogiad

Cynefino

Er mwyn sicrhau bod yr holl fyfyrwyr a staff yn ymwybodol o'r cyfleoedd i gymryd rhan yn y gwaith o ddatblygu a monitro'r polisiau, strategaethau a chynlluniau gweithredu sy'n cefnogi cynaliadwyedd ym Mangor, mae polisi a chynllun cynaliadwyedd y brifysgol, materion cynaliadwyedd a chyfleoedd ymgysylltu â myfyrwyr ar gyfer cynaliadwyedd oll yn rhan o'r prosesau cynefino i'r holl fyfyrwyr a staff newydd yn y cyfnod cynefino gorfodol i fyfyrwyr a staff. Yn ogystal, ceir gwybodaeth gyson trwy gylchlythyrau bwletin y staff a'r myfyrwyr.

Digwyddiadau ac ymgyrchoedd ar draws y brifysgol a'r gymuned

Y llynedd, cynhaliodd y brifysgol ac Undeb Bangor nifer o ddigwyddiadau ac ymgyrchoedd cynaliadwyedd a gynlluniwyd i gyrraedd yr holl fyfyrwyr a staff, ac, mewn rhai achosion, estyn allan i gymuned dinas Bangor.

Rhai o'r ymgyrchoedd mewnol ac allanol, digwyddiadau a gweithgareddau rhannu gwybodaeth rydym yn cymryd rhan ynddynt:

[Wythnos Groeso Myfyrwyr](#)

[Cynefino staff](#)

[Rhaglen Ddigwyddiadau Bywyd ar y Campws](#)

[Ymgyrch Costau Byw](#)

[Y Prosiect Prydau Poeth](#)

[25 erbyn 25](#)

[Digwyddiadau Masnach Deg](#)

[Digwyddiadau Gardd Fotaneg Treborth a Grŵp Gweithredu Myfyrwyr Treborth](#)

[Cynaliadwyedd Amgylcheddol a Chymdeithasol - Cyfleoedd Gwirfoddoli](#)

[Gwobr NUS Effaith Werdd](#)

[Awr Ddaear WWF](#)

Targedau a chyllid y brifysgol ar gyfer projectau cynaliadwyedd ymarferol a arweinir gan fyfyrwyr neu staff

Anogir unrhyw aelod o'r brifysgol sydd â syniad am ddatblygiad cynaliadwy ac sy'n meddwl bod angen cyllid neu gymorth arall arnynt i wireddu eu syniadau gysylltu ag [unrhyw un o'n staff cynaliadwyedd](#) neu anfon e-bost atom yn sustainability@bangor.ac.uk. Yna eir â'r syniadau i'r [Grŵp Gweithredu Cynaliadwyedd](#), sy'n rheoli'r cyllid a'r gefnogaeth sydd ar gael.

Mae'r targedau cynaliadwyedd wedi eu cynnwys yn y rhestr o ddangosyddion perfformiad allweddol yn y [Strategaeth Gynaliadwyedd](#) ac yn cael eu hadolygu'n flynyddol i sicrhau arfer gorau a gwelliant parhaus

Mae cyllid a chymorth arall ar gael i brojectau a gymeradwyir trwy gynlluniau, e.e. yn ein [menter Buddsoddi i Arbed](#), mae'r brifysgol yn sicrhau bod 5% o'i chostau ynni ar gael i ariannu projectau cynaliadwyedd.

Bydd yr holl newyddion a digwyddiadau ymgysylltu â staff a myfyrwyr yn cael eu cyhoeddi ar y wefan, yn y Bwletin Staff a'r Bwletin Myfyrwyr, a bydd projectau a ariennir hefyd yn cael eu hadrodd i'r Grŵp Gweithredu Cynaliadwyedd yn flynyddol nes iddynt gael eu cwblhau.

Mae enghreifftiau o geisiadau llwyddiannus am gyllid a chymorth ar ffurf amser staff, cronfeydd ac adnoddau eraill y brifysgol yn cynnwys:

[Cynllun Beicio i'r Gwaith](#)

[Cynlluniau Ymwybyddiaeth Gwastraff ac Ailgylchu](#)

[Treialu Campws Digidol/Clyfar](#)

[Ymchwilio i newid posibl i beiriant chwilio Prifysgol carbon negative](#)

[Storfa Beiciau wedi'i diogelu'n llawn](#)

[Prynnu mygiau teithio wedi'u brandio a photeli dwr i leihau gwastraff arlwyo'r Brifysgol](#)

[Wythnos am Wastraff, Ffasiwn Gyflym, Tlodi Cyfnod](#)

[Archrediad ISO14001:2015](#)

Darganfod mwy, gwneud mwy

Cysylltwch â'r Tîm Cynaliadwyedd neu Dîm yr Amgylchedd am ragor o wybodaeth neu i gymryd rhan mewn gweithgareddau cynaliadwyedd, anfonwch e-bost i sustainability@bangor.ac.uk neu un o'r tîm:

<https://www.bangor.ac.uk/sustainability/team.php.cy>

<https://www.bangor.ac.uk/environment/environmentteam.php.cy>

Dogfen wedi'i diweddarau: Mai 2024